




欽定六部處分則例卷三十一目錄

儀制

朝會約束跟役

禁門稽查行走

禁城值班

王大臣留京辦事

堂官留署辦事

御門到班遲誤  
御門侍班接連告假

奏摺膳牌令司員筆帖式代遞

帶領引見

大朝贊引不齊

朝賀迎送

常朝坐班

外官謝恩

衝突儀仗

儀從文移違式

祭祀乘輿失儀

婚喪務遵定制

欽定六部處分則例卷三十一

儀制

朝會約束跟役

一嘉慶五年七月初三日奉

上諭向來凡遇祭祀日期隨駕前引後護之大臣及侍衛並有執事官

員人等俱准午門外騎馬本日朕披閱刑部進呈修改律例內載一品大臣跟役三人二品大臣跟役

二人三品以下侍衛官員等俱跟役一人騎馬行走限制墓巖乃近年以來隨扈之大臣官員所帶跟

役在午門外騎馬者過多朕從前隨侍

皇考詣

壇時目擊隨從大臣等不特騎從紛闐

輟之定例人數多至數倍併有妄行馳驟者實爲縱肆此皆日久因循無人稽覈所致嗣後凡遇祭祀

駕出午門所有隨從大臣官員應帶騎馬跟役俱應按照定例著交護軍統領查察如有例外多帶人

數者卽行據實嚴參照違制律治罪欽此

一恭遇

壇

廟祭祀

聖駕出入並陞

殿之日凡跟役人等有肆行喧叫爭競將聚集

官員衝突擁擠者其主係官罰俸三個月

公罪

如平常

朝會之日跟役喧叫擁擠者其主係官罰俸

一個月

公罪

禁門稽查行走

一王公文武大臣官員凡進 午門 東華門 西華門 神武門其所帶護衛僕從親王郡王應帶十人員勒貝子公及一品文武大員准帶八人二品文武大員及三品京堂官准帶六人四五六品京堂官准帶四人文職五六七品武職三四五六品官員准帶二人文職八品以下武職七品以下官員准帶一人如有逾額多帶者罰俸一年 公罪

一王公大臣官員進 內行走除額帶護衛官員准照舊跟隨外其餘僕從人等自王以下至文職三品以上武職二品以上大員並 內庭行走各官所帶之人俱令於 景運門外 隆宗門外臺階下二十步以外停止不得至附近臺階處所此外跟隨文職四品以下武職三品以下官員者繫令於 左翼門 右翼門臺階下為止均責令管門章京帶領護軍稽查禁止踰越其經由 神武門出入者所帶之人俱令循東西夾道行走勿許附近 景運門 隆宗門外停立違者將本管家主罰俸六個月 公罪

一東華門內三所西夾道向北行走可以越過 左翼門徑至 景運門外應令護軍統領派撥章京一員帶領護軍二人在彼查禁勿許僕從人等出入行走

一造辦處及內務府衙門其中人役衆多往來行走可以徑至 隆宗門外應令總管內務府大臣每日各派司員二人稽查出入禁止閒雜人役在門外停留坐立以杜混淆

一左右翼門除官員進 內執事行走其所帶僕從應令該管官校槩行禁止勿許東西出入其 太和門外之 協和門 熙和門爲東西來往必經之地所有王公百官僕從應令各按定數照常行走仍令管門官校留心查察其不應行走者不得私行放入至 午門前之 闕左門 闕右門附近禁城除官役等准令照常行走並令該管官校禁止閒雜夫役人等任意徑行以昭嚴肅

### 禁城值班

一嘉慶十九年正月初五日奉 上諭紫禁城內值班王大臣遇朕駐蹕御園及歲時巡幸尤應嚴密

稽查夙夜罔懈近日王大臣等多有怠玩相仍不候接班清晨先自散值者其接班之人遲至薄暮始進內值宿禁城重地每致日間虛曠無人上年九月十五日逆賊約於午時突入禁門未必非預知守衛空虛乘間伺隙前已降旨訓飭茲再行申諭嗣後紫禁城內值班王並內大臣文大臣武大臣前鋒護軍統領俱著恪遵定制各於辰刻至景運門內九卿朝房面行交替接班後仍著在景運門內外班房會集毋許遠離至申酉之間始准各自散歸值宿處所如有怠惰偷安不候交班先行散去者著接



班之人立時具摺參奏無論王大臣卽將爵職斥革雖有勲績槩不原有言出法隨各宜凜遵如接班之人徇隱不奏別經查出一律斥革至接班之人若任意延玩過辰刻尙不進內亦著住班之人參奏其紫禁城內各處值班官兵均著王大臣等不時查驗如有曠缺立行革懲再向來在內該班之總管內務府大臣例不值宿每於早間進內游衍數刻卽行散去嗣後著日出進內俟至申刻始准下值其在內值班之王大臣等是日有無曠誤卽派令總管內務府大臣留心稽察違者據實參奏若內務府大臣散值過早王大臣等卽行參奏朕仍不時另行派員密查其各宜凜遵無怠欽此

一紫禁城內派王公文武大臣分作大班交替輪值晝夜守衛如遇

聖駕駐蹕御園及歲時

巡

幸該王公大臣等俱仍一體交代晝夜在班若有曠誤者降三級調用

私罪

其或該衙門大臣俱有差

遣惟一人在內值班適屆

圓明園

御門應往奏事卽於前一日先行換班不得貪夜開門擅離班

所違者罰俸一年

私罪

一紫禁城內有應奏事件不卽具奏照應奏不奏公罪律降二級留任

公罪

王大臣留京辦事

一嘉慶十九年七月初四日奉

上諭向來恭遇謁

陵因往返時日無多留京王大臣例不在內

值宿看管合符自此次爲始凡遇謁

陵巡幸之期派出留京王大臣俱一體恭請合符輪流值宿

每日卯時四人公同進內一人留值餘三人申初方准散歸所有留京王大臣出入時刻及輪應值宿日期著派阿哥等公同稽查如有遲誤曠班者具摺附報參奏不可稍遲時日其餘紫禁城內各該班王大臣等著留京王大臣每日開列名單呈送阿哥等抽查或將值班之人傳至乾清門面見或派詣達等赴各值班處所查看儻有遲誤曠班及未見接班之人先行散去者亦著阿哥等具摺附報參奏  
欽此

### 堂官留署辦事

一道光二年十二月二十七日奉

上諭朕於明年正月駐蹕圓明園內閣六部九卿衙門遇朕御門

理事及本衙門帶領引見該班奏事日期均著輪流堂官一人在署辦事不必全行赴園著爲令欽此

### 御門到班遲誤

一嘉慶十一年三月二十五日奉

上諭文武各衙門在圓明園輪流值日向來御門日期除刑部不

推班外其餘各衙門皆係推班因思御門理事正以勤政敕幾是日各衙門堂官多有至圓明園者若因御門辦事以次推班是循例輪奏之事轉有壓擱殊失御門本意且刑部並不推班若云刑名事務

較繁豈此外各衙門皆係事簡乎嗣後逢朕在圓明園御門之期所有應行值日奏事各衙門均著無庸推班欽此

一大臣官員恭遇 御門大典如有到班遲延及班次錯誤者均罰俸六個月 公罪 不到者罰俸一年

私罪 如逢 臨御經筵該大臣官員有遲延錯誤等事亦照前例議處

一嘉慶二十二年十一月初六日奉 旨從前 皇考高宗純皇帝御門辦事遇有內閣學士讀

本錯誤者立即降革示懲昨同麟讀本錯誤交部議處已屬從寬本日吏部議上請將該員罰俸一年仍聲明例准抵銷殊屬不合同麟著實罰俸一年不准抵銷欽此

一內閣滿洲學士讀本錯誤者罰俸一年不准抵銷

御門侍班接連告假 新增

一恭遇 御門大典輪應侍班人員如有接連告假至二次者降一級留任

奏摺膳牌令司員筆帖式代遞

一嘉慶二十年六月十五日奉 上諭朕御製勤政愛民諭宣示廷臣以心勤身勤區別誠僞蓋國家

簡用大臣或以德舉或以才選原責以贊襄庶政經國治民非若侍衛羽林庶司小臣但以奔走為勞



也因思朕駐蹕御園諸臣來園奏事每詢及時刻多於子初興起自城內趨直究其夜間過早之故則因奏摺膳牌皆須親詣宮門呈遞因而不致稍遲夫人之精神祇有此數當亥子之交正安神休息之時乃已顛倒衣裳亟亟就道雖身勤於外未免心怨於內因怨生怠轉致因循庶政矣況散值回城已屆午刻再至衙署辦事以疲憊之心神欲其遇事尋原究委昭晰靡遺蓋亦難矣部院各衙門事務動關朝廷之得失民生之利害若不悉心考究草草畫諾此雖終夜不寢待漏禁門閒談尋常無謂之事於國事奚裨乎嗣後部院旗營文武各衙門奏摺俱准令司官代遞應遞膳牌大臣准令筆帖式代遞朕每日召見廷臣本在卯正以後諸臣俱於卯初到園不致遲誤屏虛文崇實政寬其筋骸之勞瘁正以養其心志之敬誠朕恕以待下推君臣一體之懷恐諸大臣蒙犯霜露宵寐不遑俾得休養心神任重致遠諸大臣亦當念朕未明求夜宵旰勤劬孜孜求治務各竭忠殫智爲國爲民能使庶事不虞叢脞海宇共底乂安是卽諸臣愛君之實效若上以誠感下不以誠應但懷圖逸之心不畏素餐之誚則威克厥愛愛克厥威朕固並行不悖也欽此

一王公大臣遇有自行陳奏及本身謝

恩等事不親自呈遞奏摺者罰俸一年

私罪

奏事官率行接

收罰俸六個月

公罪

一筆帖式呈遞騰牌遲延或堂官因公不到而誤遞者均罰俸三個月公罪若堂官已令呈遞而到遲散

早有誤召見者將該堂官罰俸六個月私罪

### 帶領引見

一帶領引見之大臣官員不俟退出門外在宮爲乾清門在園爲左門卽行宣旨以致引見官亦在門內

擁擠者照違令公罪律罰俸九個月公罪

一承辦司員帶領班次不齊或行走匆遽遲緩者俱罰俸三個月公罪

### 大朝贊引不齊

一大朝贊引不齊者罰俸六個月公罪

### 朝賀迎送

一官員朝賀不到及迎送不到者罰俸一個月公罪有病喪差委等項事故者免議

一官員詐稱上朝者罰俸一年私罪捏供同上朝之官罰俸兩個月私罪其已註病而不在家者查

### 出罰俸一年私罪

一恭逢聖駕巡幸所過地方應畿里以內官員迎接由該衙門具奏請旨若應行迎接官員一

次不到者罰俸一年二次不到降二級調用

俱私罪

一官員患有瘋疾雖已報痊該管官仍察看一年果不復發方許上朝若未過一年任其上朝以致

失儀者將該管官罰俸九個月

公罪

### 常朝坐班

一每月初五十五二十五等日爲常朝坐班之期除供奉內廷及軍機處行走之大臣並大學士每

晨進閣辦事均不到班又如七月二十五日十二月二十五日均係忌辰例不坐班或是日遇雨遇雪或是日各衙門堂官適屆奏事引見均免其到班外其餘日期應令該堂官一員率屬坐班毋許曠

闕如有不到罰俸一個月

公罪

其輪派坐班查班之官員不到亦罰俸一個月

公罪

### 外官謝恩

一外任應行謝恩官員係月選揀發揀補人員以引見後係特旨簡放人員以傳抄後係月

選佐雜人員以驗看後係分發試用人員以掣籤後吏部均於五日內劄知鴻臚寺該寺於文到五日內傳集該員到寺謝恩如有在部呈報患病給假等項事故者吏部卽隨時劄知該寺扣除俟病

痊銷假補領憑照之日亦卽劄知該寺補傳謝恩儻有不到由該寺咨呈吏部查明該員係無故

不到者降一級調用

私罪

其有事故而漏報及呈報遲延者均罰俸一年

公罪

### 衝突儀仗

一聖駕巡幸所至如有在官人役從儀仗中衝出妄行奏訴者將失察之堂官罰俸三個月

公罪

一踴路經過地方如有民人婦女衝突儀仗妄行奏訴者將該地方官照約束不嚴例降一級調用

公罪

### 儀從文移違式

一督撫儀從器仗不遵會典有乖定例者照違制律議處

一官員不照部定儀注彼此文移舛錯者罰俸六個月

公罪

### 祭祀乘輿失儀

一祭祀官員不肅恭將事至大成門外始行下轎實屬違制應卽革職杖一百轎夫照不應重杖枷

號一個月道光十四年修

### 婚喪務遵定制

一嘉慶二十五年十月初四日奉

上諭朕恭閱

皇祖高宗純皇帝實錄內載雍正十三年十

一月奉

聖諭朕聞外省百姓有生計稍裕之家每遇喪葬之事多務虛文侈靡過費其甚者至於

招集親朋開筵劇飲謂之鬧喪且有於停喪處所連日演戲舉殯之時又復在途扮演雜劇者從來事親之道生事死祭皆必以禮得爲而不爲與不得爲而爲之者均爲非孝況當哀痛迫切之時而顧聚集親朋飲酒演劇相習成風恬不知怪非惟於理不合抑亦於情何忍甚有關於風俗人心不可不嚴行禁止等因欽此仰見我

皇祖崇儉去奢風世勵俗之至意近日京省及外省風氣競尙浮夸亦不獨喪葬一事爲然國家定制凡婚喪祭祀官員士庶各有一定規制若以侈靡互相矜詡動致非禮僭越記云喪具稱家之有無以一事之趨於習尙蕩費貲產不念生計甚至務虛文而蹈侈踰其有關風俗人心者甚大亟宜申禁令以挽結習著步軍統領及直省督撫各飭所屬將民間婚喪等事悉照會典所載規條刊發徧行曉諭務令祇遵不得習尙浮華有違定制仍著該管各衙門隨時稽察如有不遵例制者嚴行究辦以副朕敦本務實至意欽此

一旗人婚喪祭祀奢侈僭越不遵定制及有爲匪賭博宿娼等事失察之族長係官每案罰俸兩個月公罪

查旗御史不行參奏亦罰俸兩個月

公罪

一凡進士舉貢生監有職人員及軍民人等婚喪祭祀越禮僭分州縣官失於查禁罰俸一個月公罪

一凡進士舉貢生監有職人員及軍民人等婚喪祭祀越禮僭分州縣官失於查禁罰俸一個月

私罪



一民間喪祭之事誦經禮懺仍聽其自便外其有以絲竹管絃演唱佛戲者地方官失於查禁罰俸一年  
公罪

欽定六部處分則例卷三十一終

欽定六部處分則例卷三十二目錄

祀典

贊引舛錯

遺漏告祭日期

陳設器具不齊

頒發香帛遲誤

祭祀齋戒不到

順天州縣辦解牛隻

地方官怠忽祀典

州縣玩誤藉田

真人府開壇度牒

1914

100

卷之四

附錄二

1

52

卷之四

天中

1994

[illegible]

欽定六部處分則例卷三十二

祀典

贊引舛錯

一 壇 廟

陵寢等處祭祀贊引舛錯者罰俸六個月

公罪

遺漏告祭日期

一 凡一切應行告祭典禮欽天監於祭祀冊內將日期遺漏者該堂官降一級留任

公罪

禮部失於查出

該堂官罰俸六個月

公罪

陳設器具不齊

一 祭時陳設器具如盥盆椶薦之類有不齊者將承辦之員罰俸一年

公罪

頒發香帛遲誤

一 凡各處祭告典禮應由京頒發祝版香帛者如頒發衙門遺漏行文預備將承辦之員降一級調用

公罪

若齋送香帛之員沿途耽擱致誤告祭時刻者降一級留任

公罪

該堂官失於查察罰俸一年

公罪

祭祀齋戒不到